

de pierna, o de brazo, de que non fuesse lisiado para toda via, doze maravedis. Mas si acaesciese, que alguno fuesse ferido, de guisa que fincasse lisiado, assi como si perdesse ojo, o nariz, o mano, o pie, por cada uno destes, deuen auer cient maravedis. E por la oreja, quarenta maravedis. E si perdesse el braço fasta el cobdo, o pierna fasta la rodilla, o dende arriba, ha de auer cient e veynte maravedis. E quien perdesse el pulgar de la mano, deue auer cinquenta maravedis. E por el dedo segundo, que es cabo del pulgar, quarenta maravedis. E por el tercero, treinta maravedis. E por el quarto, veinte maravedis. E por el quinto, diez maravedis. E por los quatro dedos, si acaesciere que gelos corten en vno, ochenta maravedis, si el pulgar le fincare. E si perdesse de los dientes (6) delanteros, de los quatro de suso, o de los quatro de yuso, por cada vno dellos deue auer quarenta maravedis. E por otra ferida de que fuesse lisiado, assi como quebrado (7), deue auer cient maravedis.

LEX II.—Omnia sunt emendanda illa damna, que in bello hominibus corporaliter inferuntur, cum homo sit dignissima creaturatum; et que sit in hoc remuneratio faciendi, hic late exprimitur. Hoc dicitur.

(1) *Ome*. Nam homo participat de omnibus creaturis, nam habet esse cum lapidibus, vivere cum plantis, sentire cum brutis, intelligere cum Angelis, vide Abb. in cap. *firmiter*, in princip. 2. column. de *summa Trinit. et fide Cathol.*

(2) *Ferido*. Taxa hujus legis potest induci ad condemnationes, que quotidiè fiunt pro percusionibus injuriis, in emendam damni, vide notata in cap. 1. de *injur. et damn. dat.*

(3) *Encobrir*. Habetur hic ratio deformitatis.

(4) *Ferida*. In capite intelligent, patet ex præcedentibus.

(5) *Hueso*. Si ergo esset percussio, ex qua extraheretur os, emendaretur duodecim morapetiuis, qui erunt auri castellani, secundum istas LL.

(6) *De los dientes*. Nota hic, quia reputatur magnum damnum amissio dentium.

(7) *Como quebrado*. Ex qua manet perpetuò læsus, nam de alia dixit supra, ibi, *e de ferida que passa por quebrantamiento*.

LEY III.—Por cuales razones deuen fazer las enchas, por los que matan en las caualgadas.

Reciben muerte muchos omes en las caualgadas, auiedo voluntad de fazer seruicio a Dios, e de amparar la tierra onde son, e de honrrar a su Rey, que es su Señor natural. E porende touieron por bien los Antiguos, que el que assi muriesse, si fuesse cauallero, que le diesse toda la cauagada por razon del (1), ciento e cinquenta maravedis; e si fuesse peon, la meytad desto (2). E estos maravedis, que los diessen por su alma, en quanto el mandasse (3), en aquellas cosas quel touiesse por bien, si muriesse con lengua, o ouiesse fecho testamento; e si non, la tercera parte (4), e lo al, que fincasse, a sus herederos. E esto mandaron, entendiendo que era muy derecha razon. Ca si los que resciben menos daño en sus cuerpos, han enchas, mucho mas las deuen auer estos, que mueren por las razones sobredichas. E los que assi rescibiesse muerte, como quier que los cuerpos mueran, non touieron por bien los Antiguos, que muriesse el bien que fizieron. E por derecho, a estos atales mas los deuen llamar passados que muertos. Ca cierta cosa es, que el que

muere en seruicio de Dios, e por la Fe (5), que passa desta vida al Parayso. Otrósi el que muere por defenimiento de su tierra, e por su Señor natural, faze lealtad, e mudase de las cosas que se cambian cada dia, e passa a ganar nombradia (6), e firmedumbre, para si, e su linaje para siempre.

LEX III.—Fit emenda pro eo, qui moritur in bello, qui si eques sit, dabuntur ab exercitu 150. morapetiui, si pedes hujus summa dimidium; que summa distribuatur, pro ejus anima in his, que ipse defunctus jussit in suo testamento; et si intestatus decedat, tertia pars datur pro anima, reliquum suis hæredibus: et si mortui vivere per gloriam intelliguntur; et certum est eos, qui pro fide moriuntur, transire in paradysum. Hoc dicitur.

(1) *Por razon del*. Debebitur ergo emenda ista hæredibus defuncti, ut subjicit.

(2) *La meytad desto*. Nota, ut de acquisitis in bello detur pedestri militi dimidium ejus, quod dari debet equestri.

(3) *En quanto el mandasse*. Si non habet legitimos descendentes vel ascendentes, planè procedit; si tamen hi starent, videtur quòd quantum tantum possit legare, habito respectu ad omnia ejus bona, ut in l. 9. tit. 3. lib. 3. *For. LL. et l. 6. in Ordin. Taurin.* vel dic. quòd erit iste casus specialis, in quo totum hoc, etsi excedat quantum bonorum, legare poterit pro anima, de his conquestis. Cogita tamen, et videtur quòd ista lex trahenda sit ad terminos dictarum legum, ff. de *legib. l. non est novum*, et cum dictæ LL. *Fori*, et *Tauri*, correxerunt disposita, tam de jure communi, quam per LL. *Partitarum*, que minorem legitimam statuebant, LL. antiquæ recipere debent restrictionem ab ipsis, argumento l. 1. §. *et generaliter*, ff. de *legat. præst.* tradit Joan. de Imol. in l. *si vero*, §. *de viro*, ff. *solut. matrim.* in materia interpretationis restrictiue.

(4) *La tercera parte*. Sed an procedat hodiè, etsi habeat legitimos filios, quibus vel aliis legitimis successoribus stantibus, quinta tantum potest erogari pro anima per eos, quibus dedit facultatem pro se testandi, ut in l. 32. in LL. *Tauri*, videtur, quòd sic, et sit casus specialis ite, et ita dimitentur aliæ LL. Cogita tamen, et vide que dixi supra in gloss. prox. facit etiam, quia speciei non derogatur per genus, sed è contra, l. *alimenta*, §. *Basilicæ*, ff. de *alimen. et cibariis legat.* et sic in isto casu speciali videtur, quòd seruanda esset hujus legis dispositio, et sic dictæ LL. possent concordari: facit ad hoc, quod notat Bart. post Guilliell. in l. *sed et posteriores*, ff. de *legib.* ubi et Albert. præsertim quia ista lex non dat istam tertiam de omnibus bonis defuncti, sed tantum de ista conquesta, de qua hic. Vide que dixi supra, nam saltem in filiis seu aliis descendentibus, quibus debetur legitima, et illa sit hodie aucta plus quam erat tempore istarum legum respectu illorum, tantum poterit sic disponere de quinta parte bonorum, juxta dictas LL. *Tauri*.

(5) *E por la Fe*. Adde cap. *omni timore*, 23. q. 8.

(6) *A ganar nombradia*. Hi enim, qui pro republica ceciderunt vivere in perpetuum per gloriam intelliguntur, ut habetur *Inst. de excusat. tutor.* in princ.

LEY IV.—Como deuen apreciar las bestias, e las armas de las huestes, e de la caualgada, ante que se vayan del lugar, porque sepan como se han de fazer los emiendas.

Bestias, e armas, e otras cosas pierden los omes en las guerras, de que han de auer emienda, e señaladamente de lo que ganaren (1) de los enemigos. E porque cobdicia faze demandar a los omes a las vegadas, mas de lo que vale la cosa, que pierden; porende touieron por bien los Antiguos, que ante que la hueste, o la caualgada mouiesse del lugar onde ouiesse de mouer, que fuesse apreciadas (2) todas las cosas, bestias, e armas, que leuassen. E esto pusieron, non tan solamente porque cada vno pudiesse auer emienda, de lo que ouiesse perdido, mas aun porque los perdidosos non agraiuen a los otros, demandandoles por las cosas mas de lo que valiessen. E para esto fazer, touieron por

bien que escogiesen los mas sabidores omes, e los mas leales que fallassen entre si. E estos que fuesse apreciadores, jurando primeramente por Dios, que guarden a cada vno su derecho, tambien a aquellos cuyas son las cosas que aprecian, como a los otros que han de fazer las enchas por ellos. E de que desta guisa ouiesse jurado, deuen ver, e apreciar las bestias, e las armas, e fazerlas escriuir, quantas son las que cada vno lleua, e quanto vale cada vna por si. E quanto tomaren de la caualgada, o de la hueste, deue ser fecha la emienda, de lo que ganassen en ella, segund apreciamiento destes sobredichos, de aquello que fallasen por verdad, que perdieron por ocasion, e sin su culpa de aquellos cuyo era.

LEX IV.—Ut sciatur que emendæ sint faciendæ in damnis rerum, que ob bellum deperduntur, debent æstimari per probos viros res, que deferuntur in bellum, antequam exercitus moveat, præstito ab eis juramento de benè æstimando; et scribantur res, et earum æstimatio, et ejus sint, ut emenda de præda hostium justè fiat damnicatis absque eorum culpa; et si contingat istam æstimationem fieri non posse ob qualiter, et opportunitatem facti, fiet emenda rerum perditarum, et deterioratarum, ut hic et in lege sequenti dicitur. Hoc dicit ista lex cum sequenti.

(1) *De lo que ganaren*. Innuit, quòd si nihil fuit lucratum in bello, non debent ista damna resarciri, et sic facit pro his que dicit supra eadem *Partit.* tit. 19. l. 7. Sed quid si bellum fuit sumptum pro defensione patrie, et equi illorum, qui vadum ad bellum, sunt mortui in bello, an sicut eis resarciendi à domino vel civitate? Ang. in l. 1. ff. ad *leg. Rhod. de jact.* argumento illius legis dicit, quòd tali casu sunt eis resarciendi à civitate vel domino, nisi essent stipendiarii, secundum Nicol. de Matth. quia propter stipendium talia debent agere, argum. l. 2. §. *si conservatis*, ff. *eod.* nisi aliud secundum cum pacto sit conventum, et idem vult. Bald. in l. 2. in princ. ff. *eod.* Alber. etiam ibi post Guilliell. et Andr. inducit illam legem, quòd si hostes venirent ad civitatem, et civis ivit ad portam, et eis restituit, et equus fuit sibi mortuus, quòd sibi debeat emendari per commune; quod dicit esse verum in civibus, et secus esse in stipendiariis; contra hoc tamen videtur tenere Salicet. in l. *quoniam multa facinora*, col. 4. C. ad *leg. Jul. de vi public.* ubi dicit, quòd quando aliqui accedunt ad bellum ex debito, quia pro defensione patrie accedunt requisiti, ut in l. *veluti*, cum sequent. ff. de *just. et jur.* et isti secundum eum nihil repetunt: et idem dicit in cæteris, qui munera personalia et mixta subire tenentur, quia quod debuerunt, fecerunt; nemini enim licet detractare munera civilia, l. *munerum*, et per totum, ff. de *muner. et honor.* vide ibi plenius per Salicet. qui late distinguit in ista materia, in eis qui accedunt irrequisiti, et in his qui requisiti accedunt, vide ibi per eum.

(2) *Que fuesse apreciadas*. Optima est isto provisio.

LEY V.—Como deuen fazer las enchas del daño que los omes resciben de sus cosas, quando non las ouieren apreciado.

Tamaña seyendo la hueste, que ouiesse que resciben gran tardança, apreciando, o escriuiendo sus cosas, assi como dize en la ley ante desta, si la caualgada quisiere salir en porrida, o tan apressuradamente, porque esto non lo pudiessen fazer, touieron por bien los Antiguos, por non se destoruar los fechos de la guerra, pues que aguisados estouiesse, que el canalgador que perdesse cauallo, o otra bestia de silla, despues que saliessen en la caualgada por qualquiera destas guisas, si gela mataren, o se le fuyere, que non le pueda tomar; o se le muriesse, o gela furtassen, deuenle dar de la caualgada tanto por ella, quanto le costo, si la muerte, o la perdida fuesse en aquel año, que la compro (1). E del año adelante, deuenle dar quanto la fi-

ziere por su jura con dos caualleros de la caualgada, quier sean fijosdalgo, o otros. E quien perdiere bestia mular, o cauallar de carga, o azemila, muriendose, o matandogela, hanle dar tanto por ella, quanto jurasse fasta en veinte maravedis. E por bestia asnal, cinco maravedis. E si cauallo, o bestia de silla perdiere por ferida, o le tajaren la cola, o ouiere otra lision, de que non pueda guarescer, deuela tomar la caualgada, e pecharla a aquel cuya era, segun la manera que de suso diximos. E si ouiere ferida, de que ouiesse de guarescer, fagala guardar el Cabdillo, o el Adalid, fasta treynta dias. E si sanare a aquel plazo, denla a su dueño; si non, pechengela los de la caualgada, e fagan della lo que quisieren. E esto dezimos, si lo mostraren al Cabdillo, o al Adalid, fasta tercero dia. E esso mismo dezimos de todas las otras bestias, de qualquier manera que sean. Otrósi el que perdiere armas en caualgada, o en algara, auiedo batalla, o fazienda, o lid, pechengelas de lo que ganaren, por quanto jurare el que las perdio con dos caualleros, de los que fueren en aquel fecho. E si de otra guisa las perdiere por su culpa, non es derecho que le fagan emienda dellas. Otrósi las armas, e el cauallo del que mataren, o del que catuaren los enemigos, si se perdesse alli, o lo mataren, o lo catuaren; deungelo pechar los de la caualgada, a el, o a sus herederos. E demas dezimos, que si a alguno muriesse y su cauallo, o gelo mataren, que le deuen dar de la caualgada, alguna bestia de silla en que venga, de aquellas que ganassen, fasta quel pechen la suya. E si fuere enfermo, o ferido hanle dar alojamiento de la bestia en que viniere, si non ouieren ganado alguna que le den.

LEX V.—Summata est cum lege præcedenti. Hoc dicitur.

(1) *Que la compro*. Nota benè, quòd in parvo tempore, ut est in anno, non præsumitur quòd res empta sit vilioris pretii ejus, quod pro ea datum fuit, confert ad notata per Bald. in l. 2. column. penult. C. de *rescin. vend.* vers. *pone quidam*, et per Alex. consil. 67. vol. 2.

DE LA PARTE QUE LOS OMES DEUEN AUER, DE LO QUE GANAREN EN LAS GUERRAS (a).

Ganancia, es cosa que naturalmente cobdician fazer todos los omes, e mucho mas los que guerrean. Lo vno, por la costa que fazen. Lo al, porque se auenturan a grandes peligros por ello. Onde pues que en el titulo ante deste fablamos de las emiendas, que los omes deuen auer, por los daños que en las guerras resciben; queremos aqui dezir, de la parte que deuen auer, de lo que en la guerra ganaren. E mostraremos, que quiere dezir particion. E a que tiene pro. E en que manera deue ser fecha. E cada vno quanto deue auer. E sobre que razon. E quando deue ser fecha. E por quales omes. E que bien viene quando se faze como deue. E que daño, quando assi non lo fiziessen.

(a) Nos referimos, en quanto a las leyes de este título, a las ordenanzas militares, a las disposiciones legales de administracion militar, tanto en el ramo de guerra como en el de marina y a las



ordenanzas que rigen para la Armada. Véase nuestra nota al proemio del título 24 de esta Partida.

TITULUS XXVI.

LEY I.—Que quiere dezir Particion, e a que tiene pro, e como se deue fazer.

Particion tanto quiere dezir, como dar a cada vno su derecho, de la cosa, que se parte: e nasce grand pro della. Ca seyendo partidos derechamente los bienes que ganan, vienen ende dos proes. El primero, que guardan que non cayan en desacuerdo. El segundo, que los faze ser pagados de lo que han; que es segun dixeron los Sabios, la mas sabrosa vida, e folgada, que puede auer el ome en este mundo. E si en todas las otras ganancias, que los omes fazen, deuen esto fazer, mucho mas lo deuen fazer, en lo que ganan de las guerras, do sufren muchos trabajos, e se auenturan a muy grandes peligros; lo que les da razon de tener, que por cada vno dellos deuen auer buena parte, e con gran derecho. E porende antiguamente fue puesto entre aquellos que vsauan las guerras, e eran sabidores dellas, en qual manera se partiessen todas las cosas que y ganassen segun los omes fuessen, e los fechos que fiziessen. E por esso pussieron, que quando venciessen batalla, que mandasse el Rey, o el Cabdillo que y fuesse, ayuntar todo lo que en el campo (1) yoguiesse. E de que lo ouiesse todo llegado, que non partiessen dello ninguna cosa, fasta que tornassen los que fuessen en el alcance (2) siguiendo los enemigos. E esto fizieron por dos razones. La vna, porque los omes ouiesse sabor de fazer mal, a los con que guerreassen, e de seguirlos, non teniendo que recibirian perdida, nin daño, nin mengua de lo que deuián auer, si ouiesse fincado. La segunda razon, por que los deuen esperar es, porque del seguimiento que aquellos fizieron, rescibieron los que fincaron, honrra e pro; e porende touieron por derecho, que los honrrassen esperandolos. E los que de otra guisa robassen, o tomassen, o partiesen alguna cosa, quanto quier que fuesse, ante que los que fuessen en el alcance tomassen, deuen auer tal pena, como adelante se muestra (3). Pero si aquellos, que diximos, que seguiesse los enemigos, rescibiesse algun desbarato por vileza de coraçon, o por mengua de seso, non se sabiendo acabdellar, non deuen auer parte de lo que los otros ouiesse ganado. Ca pues que ellos falliescieren en seso, e en esfuerço, que son las dos cosas del mundo, que mas son menester en guerra, touieron por bien los Antiguos, que les falliescieren otrosi en aquella parte de la ganancia, que esperauan auer.

LEY I.—Victoria habita, jubeat Rex, vel Dux exercitus congregari acquisita, et in partitione inter milites supersedeatur, donec insequentes hostes in fugam versus revertantur; et si insequentes vilitate animi, vel ex defectu sensus devincantur à fugientibus, non habebunt partem de præda campi. Hoc dicit.

(1) *Todo lo que en el campo.* Vide in cap. *jus militare*, 1. dist. et vide Gloss. in cap. *dicat aliquis*, 23. quæst. 5. et l. 15. infra eod.

(2) *Los que fuessen en el alcance.* Nota hoc.

(3) *Se muestra.* Infra eod. l. 5.

LEY II.—De como los omes se deuen guardar, de non querer ser mucho cobdiciosos en las guerras, e en las otras cosas que fazen.

Daños de muchas maneras vienen a los omes por la grand cobdicia (1), e mayormente a los que andan en guerras. Ca estos, si della non se saben guardar, caen en muerte o en deshonrra, o en perdimiento de lo que han, e a las vezes en todo. E sin el daño que les ende viene, fincan porende muy deshonrrados, porque lo resciben, mostrándose por viles; queriendo ante ganar otras riquezas del mundo, que vencer a sus enemigos, que es la mayor honrra, que serpuedé. E aun sin todo esto, nasce ende muy grand mal; que quando se dexan vencer a la cobdicia, que muchas vegadas la saña, que deuen mostrar contra sus enemigos, tornanla a si mismos, tirandose vnos a otros lo que tienen, por fuerza, firriendose, e matandose, e cobdiciando ganar de qual manera quier, nin catando derecho, nin razon. E porende los Caualleros antiguos, que fueron de nobles coraçones, defendieronlo muy afincadamente, por los grandes males, que sintieron que venia por esto, en tres maneras. La vna, desmandandose a sus Mayoriales, en salirles de cabdellamiento. La segunda, en querer ser vencidos de sus enemigos por su culpa, auidendolos ellos ya vencido. Ca muchas vegadas auiene, que por el desacuerdo, que veen los enemigos, entre aquellos que andan robando en el campo, tornan a ellos e los vencen. E non tan solamente pierden aquello que ganaron, mas aun los cuerpos, e lo al que tienen. La tercera, porque algunas vegadas, aquellos que yuan siguiendo los enemigos, pierden la ganancia que podrian auer, por el yerro que los otros fazen, que fincan robando. E esto era cosa muy sin razon, que los buenos perdiessen por los malos. E demas, porque podria acaescer, que por aquel robo serian ellos perdidos; e el Rey, o el otro Señor que y fuesse, seria y muerto, o preso. Onde por todas estas razones sobredichas establescieron, que quando algunos venciessen batalla, o fazienda, o lid, o torneo, o entrassen alguna fortaleza, por fuerza, o por furto, o nauio de los enemigos, que ninguno non se parasse a robar, fasta que ouiesse acabado aquel fecho, de manera que ellos fincassen vencedores, e honrrados, e los enemigos bien vencidos, o quebrantados. Pero touieron por guisado, que aquellos que guardassen el alcance, quando ouiesse vencido sus enemigos, que lo fiziessen todavia cueradamente, de guisa que los que fuyessen, non les viessen yr en pos de si muy descabellados; por que tornassen a ellos, e los ouiesse a desbaratar, o echarlos en alguna celada, en que les auernia esso mismo. Mas esso que dezimos de seguir el alcance, non se entiendo de los Cabdillos (2), que non touieron por guisado, que ellos se partiessen del campo, que hauian ganado de sus enemigos, mas que estouiesse quedos, guardando su honrra, fasta que llegassen los que fueron en el alcance, que sopiessen lugar cierto, a que ouiesse de tornar. E si por ventura viniessen desbaratados, que fallassen cobro, e esfuerço en ellos.

LEY II.—Cavendum est, ne præda vacetur, donec prælium totaliter sit devictum; et idem si castrum, vel navigium vi queratur ar-

morum. Dux autem belli non dimittat campum causa insequendi hostes devictos, sed insequantur alii, cautè tamen ne de victoribus efficiantur victi; et facientes contra ista, si de honoratis sint, perdet beneficia, quæ à Rege habent, et partem prædæ; si de minoribus restituent ablata duplicata, et non habebunt partem prædæ; et non habentes unde solvant, capiuntur, donec à Rege, vel Duce exercitus pena debita puniantur; et simili poena plectentur deprædantes aliquid ab hostibus, et cum præda fugientes in ipso belli congressu; et insuper qui tale fecit, sedens equa vel asino, versus tenens caudam manu, ducetur per exercitum; et si deprædantium culpa contingat Regem, vel alium Dominum ibi ab hostibus capi, vel occidi, puniuntur deprædantes, ac si ipsi occidissent, vel cepissent: et si alia poenæ majores juxta qualitatem temporum, vel factorum à Rege, vel aliis Dominis ponantur, illæ servabuntur. Hoc dicit cum lege sequenti.

(1) *Cobdicia.* Nota hoc, est enim cupiditas radix omnium malorum, l. 4. tit. 5. supra, ead. Partit.

(2) *Cabdillos.* Tene menti, quod capitaneus belli non debet insequi fugientes hostes, sed manere debeat in loco victoriae.

LEY III.—Como los omes non se deuen parar a robar, quando entraren en villa, e Castillo, o otra Fortaleza; e que pena deuen auer los que lo fiziessen.

Entrando algunos, por fuerza, Villa, o Castillo, o otra Fortaleza, non se deuen parar a robar; ca en esto vienen muy grandes peligros a los que lo fazen, porque los omes se han a derramar, entrando por las casas de los que y moran, de que son siempre mas sabidores los de aquel lugar, que los otros que vienen de fuera. E demas, andando asi, non se pueden venir a acorrer vnos a otros, assi como farian en campo, o en logar descubierto. E por esto son muchas vegadas vencidos, o muertos, o presos. E avn viene ende otro mal, ca fazen perder al Señor aquel lugar, por su culpa, de que podria ser heredado, e ellos otrosi pierden el bien que podrian auer. E por todas estas razones non se deue ninguno parar a robar, fasta que sean bien apoderados de todas las Fortalezas. Otrosi mandaron, que aquellos que entrassen en los nauios sobre la mar, que non se parassen a robar ninguna cosa, fasta que todo el nauio fuesse ganado. Onde qualesquier que fiziessen otra cosa, contra esto que en esta ley dize, e en la ante della, e se parassen vilmente, por su cobdicia de yr a robar, en alguno destos fechos que diximos, si fueren de los mas honrrados omes, deuen perder el bien fecho (1), que del Rey ouiesse, e non auer parte desta ganancia. E si fuessen de los otros, deuen pechar doblado lo que tomaren, e non auer parte de la ganancia; mas si non ouiesse de que lo pechar, deuen ser presos, fasta que el Rey, o el Señor de la caualgada les de la pena que entendiesse que merecien. Pero si acaesciesse, que por culpa de robar fuessen ellos vencidos, o el Rey, o el otro Señor que y ouiesse, muerto, o preso, deuen auer tal pena, como si ellos mismos lo fiziessen (2). E essa misma pena dezimos que han de auer, los que en lidiando con los enemigos en alguna de las maneras sobredichas, ante que los ouiesse vencido, tomassen alguna cosa, o se fuessen luego con ella. Ca los Antiguos tanto touieron este fecho por malo, que pusieron, que maguer pechassen aquello doblado, que ouiesse furtado, o robado, que non le perdonassen ende del todo; mas que le metiessen vna vez por la hueste, o caualgada, en que lo fiziera, ca-

uallero auiesse en vna yegua, o asno, e la cola en la mano. E esta pena le pusieron por deshonrrarle, porque non sopo sofrir miedo, por razon de cobdicia, nin quiso ser bueno. Pero si el Rey, o los otros Señores (3) ouiesse fecho posturas, en que pusiessen mayores penas que estas, aquellas deuen valer. Ca segund los tiempos, e los fechos acaescrien, assi pueden los Señores tyrar, e crescer (4), e menguar, en las cosas que entendieren que auran pro, e toldran daño.

LEX III.—Summata est cum lege præcedenti.

(1) *El bien fecho.* Perdet ergo feuda, et beneficia, quæ habet à Rege.

(2) *Como si ellos mismos lo fiziessen.* Nota hoc, et vide l. fin. tit. 15. supra, ead. Part.

(3) *Señores.* Posset ergo circa hoc statuere Dux belli, etsi subditus esset Regis.

(4) *Crescer.* Facit, ut poenæ quæ imponuntur pro pecoribus, et aliis damnicantibus saltus, et prædia aliena, possint cresci et augeri, si poenæ non sunt sufficientes, seu si qualitas temporis hoc exigit.

LEY IV.—Por que razones deuen dar al Rey sus derechos, de lo que ganaren en las guerras.

Apuestas razones, e ciertas fallaron los Sabios antiguos, por que los omes diessen al Rey con derecho su parte, de lo que ganassen en las guerras. E porende establescieron, que le diessen el quinto (1) de lo que alli ganassen, e esto por cinco razones. La primera, por reconocimiento de señorío, que es mayor sobre ellos e son con el vna cosa, el por cabeza, e ellos por cuerpo. La segunda, por debdo de la naturaleza, que han con el. La tercera, por agradescimiento del bien fecho, que del resciben. La quarta, porque es tenuto de los defender (2). La quinta, por ayudarle a las misiones que ha fecho, o podria fazer. E este derecho del quinto non lo puede otro auer, si no el Rey, ca a el pertenesce tan solamente, por las razones sobredichas. E maguer lo quiesse dar a alguno por heredamiento por siempre, non lo podrian fazer (3), porque es cosa que tañe al señorío del Reyno señaladamente. Mas queriendo fazer bien, e merced a alguno, puedele otorgar, que aya la pro que saliere del quinto, fasta tiempo señalado, o por vida de aquel Rey que gelo otorgasse. E otros derechos y a, que deuen dar al Rey, de las cosas mayores, e mas honrradas que ganassen de los enemigos, e esto señaladamente, por fazerle honrra: sin todo esto, deue auer aun otros derechos de lo que ganaren, por razon que les da el con que lo ganen, assi como se muestra en las leyes deste titulo.

LEY IV.—De præda hostium debet dari Regi quinta pars in recognitionem domini; et cum ista quinta sit de regalibus, non potest Rex eam dare alicui in perpetuum, sed dumtaxat ad vitam Regis concedentis posset. Hoc dicit.

(1) *El quinto.* Sic et quinta pars frugum datur Regi Ægypti, vide Genesis cap. 47. v. 24. et nullus citra Regem potest habere hunc quintum, ut subjicitur hic in ista lege, vide l. 14. infra eod. quod ergo dicitur in cap. *jus militare*, 1. dist. Principis portio, declaratur hic, quod sit quinta pars; vide quod habetur Genesis cap. 14. v. 20. et adde ad istam legem l. 17. tit. 1. lib. 6. *Ordin. Regal.*

(2) *Tenido de los defender.* Præstatio tributorum obligat Regem ad defensionem subditorum; vide que dixi in l. fin. tit. 20. supra, ead. Part.